

# Selaras bidang pertanian

UPM cadang tubuh pusat keselamatan makanan

**U**NIVERSITI Putra Malaysia (UPM) berhasrat menuju Pusat Keselamatan Makanan bertujuan menyelaraskan segala bidang berkaitan pertanian bandaran dan aspek keselamatan makanan.

Naib Canselor UPM, **Prof. Datuk Dr. Mohd. Fauzi Ramlan** berkata, usaha itu termasuk memperkasa kepentingan pertanian dengan menjadikan kawasan Serdang sebagai pusat pengeluaran makanan.

Langkah itu, katanya, akibat kepada peralihan demografi iaitu 72 peratus penduduk bakal mendiami bandar dan persekitarannya bandar mengakibatkan bekalan makanan dijangka kritikal.

"Oleh itu, kita mahu menjadi pemain utama dalam aspek keselamatan makanan dengan penubuhan pusat tersebut dan bagi merealisasikan hasrat itu, UPM akan gabungkan kepakaran serta idea seluruh agensi pertanian yang terdapat di sekitar Serdang," katanya ketika berucap dalam majlis Gemilang Akademia Putra 2012 di Dewan Besar

UPM, dekat Serdang, Selangor baru-baru ini.

Majlis penganugerahan itu disempurnakan oleh Sultan Selangor, **Sultan Sharafuddin Idris Shah**.

Pada majlis itu, Pengarah Institut Gerontologi UPM, **Prof. Dr. Tengku Aizan Tengku Abdul Hamid** menerima Anugerah Fellowship Naib Canselor (Kategori Penyelidik Cemerlang).

Sempena majlis itu juga, dua bekas Naib Canselor UPM, **Prof. Datuk Ir. Dr.**



**SULTAN Sharafuddin Idris Shah** yang juga Canselor UPM melihat hasil kerja penerima Anugerah Fellowship Naib Canselor kategori Penyelidik Muda, **Dr. Chi Ng Nyuk Ling** (kanan) selepas Majlis Gemilang Akademia Putra di UPM baru-baru ini.

**Radin Umar Radin Sohadi** dan **Prof. Tan Sri Dr. Nik Mustapha R. Abdullah** menerima Anugerah Khas Akademia Putra sebagai menghargai sumbangan kepada pembangunan universiti dan negara.

Selain itu, 13 orang tenaga akademik dan dua orang kakitangan bukan akademik universiti turut menerima anugerah kategori masing-masing.

Mohd. Fauzi berkata, rancangan menuju Pusat tersebut dijangka

memerlukan geran sebanyak RM1.2 juta termasuk RM1.2 juta lagi daripada bantuan kerajaan.

Mengenai kedudukan UPM sebagai Universiti Penyelidikan, katanya, pada 24 April lalu, UPM telah melepas pengauditan untuk kali ketiga yang bertujuan memastikan universiti berkenaan terus mendapat pengiktirafan status tersebut.

"Satu lagi kejayaan cemerlang, UPM telah mendapat taraf Tier Enam (cemerlang) berbanding Tier Lima (terbaik) dalam penilaian Sistem Penarafan Institusi Pengajaran Tinggi oleh Agensi Kelayakan Malaysia," katanya.

Sementara itu, Tengku Aizan berkata, anugerah yang diterimanya itu berkaitan mengenai kepentingan dan sumbangan beliau menerusi hasil kajiannya terhadap bidang gerontologi.

Bagi Pensyarah Jabatan Pengajian Kenegaraan dan Ketamadunan, Fakulti Ekologi Manusia UPM, **Dr. Adilina Ab. Halim** berkata, anugerah bagi kategori Pengajar Muda yang diterimanya itu berdepan penuntut yang semakin kompleks sekali gus memerlukan pensyarah lebih kreatif dan bertindak selaku fasilitator.

"Saya mengajar subjek hubungan etnik dan etika serta nilai dalam pembangunan adalah subjek yang membosankan bagi penuntut."

"Sebab itu sebagai pensyarah, sa ya perlu jadi kreatif untuk mem bantu penuntut meminati subjek berkenaan," katanya.